



Broj: 09-20/1-11-2-911
Sarajevo, 30.05. 2022. godine

Na osnovu člana 43., a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U

o izboru najpovoljnijeg ponuđača za javnu nabavku Nabavka i sukcesivna isporuka guma

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka i sukcesivna isporuke guma“, te se ugovor dodjeljuje ponuđaču „GUMA VP 200“ D.O.O. MOSTAR, čija ponuda nakon provedene e-Aukcije iznosi 14.662,00 bez PDV-a, odnosno 17.154,54 KM sa PDV-om.

II

Za izvršenje Odluke zadužuje se Sektor za materijalno- finansijske poslove.

III

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka i sukcesivna isporuku guma“, broj Obavještenja o javnoj nabavci: 1412-7-1-67-8-58/22, objavljeno na portalu javnih nabavki dana 09.05.2022. godine, ispravka Obavještenja br. 1412-7-1-67-3-48/22, objavljenog dana 13.04.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena ukupna vrijednost ugovora iznosi 16.000,00 KM bez PDV-a.

Od strane Sektora za materijalno-finansijske poslove dostavljen je izvještaj o provedenoj e-Aukciji broj: 20/1-918/22 od 27.05.2022. godine, u kojem je navedeno da je napovoljniji ponuđač u predmetnom postupku javne nabavke, a primjenjujući kriteriji najniža cijena, „GUMA VP200“ D.O.O. MOSTAR, sa cijenom od 14.662,00 bez PDV-a, odnosno 17.154,54 KM sa PDV-om.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača za predmetnu nabavku, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno slijedeće:

- da su zaprimljene tri ponude, koje su ujedno i blagovremene, i to ponuđača: „GUMA VP 200“ D.O.O. MOSTAR, „EURO DAM –JAS“ LUKAVAC D.O.O. i „UNITRADE“ D.O.O. LJUBUŠKI,
- da nije bilo neblagovremeno zaprimljenih ponuda,
- da je pregledom i ocjenom ponuda utvrđeno:
 - Ponuda ponuđača „**GUMA VP200**“ **D.O.O. MOSTAR** je formalno-pravno ispravna. Pregledom dostavljene kataloške dokumentacije i poređenjem sa nazivima, vrstama i karakteristikama guma iz Anex-a II Komisija je utvrdila da je navedeni ponuđač dostavio potpunu katalošku dokumentaciju, ali je isti prilikom obilježavanja rednog broja gume iz tehničke specifikacije (Anex II) umjesto broja 5 (pozicija 5) naveo dva puta broj 4 (pozicija 4). Komisija je izvršila detaljan pregled i kontrolu traženih tehničkih karakteristika sa ponuđenim iz Anex-a II, te izvršila poređenje sa dostavljenim katalogima i utvrdila gore navedeno. S tim u vezi, a uvažavajući mišljenje Agencije za javne nabavke BiH broj 03-02-1-1074-2/20 od 26.05.2020. godine (gdje je obrazloženo šta se smatra greškama ili propustima manjeg obima), Komisija je cijenila da je ponuda odgovarajuća i da je navedeni propust manjeg obima (manji formalni propust/grešaka), te da isti ne utiče na samu potpunost ponude u odnosu na traženo tenderskom dokumentacijom.
 - Ponuda ponuđača „**EURO DAM –JAS**“ **D.O.O. LUKAVAC** je formalno pravno ispravna. Komisija je u ponudi uočila matematsku grešku u neslaganju jedinične cijene i ukupne vrijednosti za pozicije, te je Komisija uputila akt ponuđaču kojim se traži saglasnost za ispravku računске greške u skladu sa jediničnim cijenama (dana 24.05.2022. godine zaprimljen je odgovor ponuđača u kojem je data saglasnost za ispravku računске greške).
 - Ponuda ponuđača „**UNITRADE**“ **D.O.O. LJUBUŠKI** formalno-pravno nije ispravna obzirom da dostavljena kataloška dokumentacija nije u skladu sa minimalnim uslovima TD-a (Anexom II) i to: redni broj 7 (index nosivosti-traženo minimalno 109 – ponuđeno 106) i redni broj 8 (index nosivosti-traženo minimalno 91 – ponuđeno 88)
- da je Komisija u svrhu provođenja postupka e-Aukcije, dana 24.05.2022. godine, dostavila Sektoru za materijalno- finansijske poslove listu prihvatljivih ponuda,
- da je Komisija zaprimila Izvještaj o toku i završetku e-Aukcije broj: 20/1-918/22 od 27.05.2022. godine, u kojem je navedeno da je napovoljniji ponuđač u predmetnom postupku javne nabavke, a primjenjujući kriteriji najniža cijena, „GUMA VP200“ D.O.O. MOSTAR, nakon čega je Komisija dala preporuku o izboru najpovoljnijeg ponuđača.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo u roku od 5 (pet) dana od dana prijema ove Odluke.



Dostaviti:

- Sektor za mat. fin. poslove
- ponuđačima
- u spis